



YMA KUMPUN ‘KHAWTLANG NUN SIAMTHAT’ HAWNNA HUN HMAN A NI

Branch News

Chanmari West February 13: YMA Kumpun “Khawtlang Nun Siamthat” tih chu ni 16.2.2011 khan Aizawl Vanapa Hall-ah Pu Lal Chungnunga, President, Central YMA in a hawng.

Kumpun hawn inkhawm hi Pu JH Zoremthanga, Vice President Central YMA in a kaihruai a. Pu C. Lalsamlova, CEC Memberin hunserh hmangin Pu Lalsangzuala Sailo, CEC Member leh Kumpun Sub-Committee Secretary hnen atangin Report ngaihtlak a ni.

Kumpun hawnna thu sawiin Pu Lalchungnunga, President chuan Kumpun hmalakna atan rim taka thawk turin YMA hruaitu kalkhawmte a chah a. Kan thawhrim rah hi tun maiah kan seng lo a nih pawhin nakinah kan la seng ngei ang a ti. Ruihlo do kawngah Branch hrang hrangte tan la thar tura fuihin tun dinhmunah hian Branch YMA ten CADS te kan ring lutuk mah maha a hriat thu a sawi. Misual kan beih thin te hi an taima hle tih sawiin taimak kawngah kan khum thei lo a nih pawhin kan umphak zel erawh chu an ngai a ni a ti. Central YMA President chuan Mizoram map hi engtik niah emaw a la bung mai ang tih a hlauh thu pawh a sawi nghe nghe a ni.

Kumpun thupui sawi Pu Lalbiakzuala, Gen. Secretary leh Pu Vanlalruata, Asst. Secretary te hnen atangin ngaihtlak a ni a. Chawhnu lam Session neih ni lehin Pu R. Lalngeta, Treasurer in a kaihruai a. Sawihona

hun hlawhtling tak neih a ni. Chawhnu session-ah hian Pi Kawlchhungi, Bawngkawn, chuan YMA hmalakna avanga hlawk taka zu a zawrh thin a bansan thu (Testimony) ngaihnawm tak a sawi a. Mimi Renthlei, Mami Varte leh HC. Sanglura te zai ngaihtlak a nih bakah Tuarpuui leh a thiante hnen atangin fiamthu ngaihtlak a ni bawk. Pu J. Lalsailova, Fin. Secretary in lawmthu sawiin hun a khar a ni.

Kumpun ‘Khawtlang Nun Siamthat’ hawn Inkhawmah hian khawpui chung Branch hrang hrang YMA hruaitu mi 359 an kalkhawm a ni. Tlawmngaih chhuaha, hun hlu tak senga Kumpun Hawn inkhawma tel zawng zawngte chungah Central YMA chuan lawmthu a sawi a ni.



YMA MEMBER LAK MEK A NI

Kan vengchung-a YMA member tur Section tinah lak mek a ni a, member ni tur te tana hriat ve atan a tha YMA DAN BU in a sawi angin Member nih dan kan han tarlang e.

Member ni thei te :

- 1) Mizo tupawh, tleirawl/rawlthar chin chunglam chu, YMA thiltum leh dinchhan te, a thuvawn te, a thuthlung leh a 'kaihruainate anga awm inhuam apiangte.
2) An khawsak dan phung ena Br.Executive Committee-in YMA member-a a pawm theih te.
3) Life Member (Central YMA huamchhung) : A awmna Branch ah kum 5 member a nih tawh hnuin Br.YMA a dil ang a, Branch in Life Member ni tlaka a ngaih chuan Central YMA ah Br. YMA kaltlangin Life Membership Fee pein Life Member a ni ang.

Kum 2011 chhung atana YMA Member tur lakna chu vawin hi hun tawp a ni a, member la zo tawh Section-te chuan Branch Secretary hnenah Member list leh pawisa thelul tur a ni e.

Kumin Chapchar Kut Ni 4.3.2011 a A.R.Lammual a neih turah kan Branch YMA in Rallu lam, cheraw, khuallam leh chai entima kan neih tur chu zir chhoh mek a ni a, karleh hun remchangah pawh zir zel tum a ni.

Kan member Ramthianghlima'n Ni 15.2.2011 a min boralsan chu paw kan ti a, lusun chhungte kan tawrhpu tak zet a ni.

Kan veng atanga pem chhuak turte chuan mahni awmna Section Leader/Secretary hnenah pem lehkha la hmasa in, chumi keng chuan Branch Secretary hnenah Pem lehkha lak chhuah tur a ni a, pem lehkha man `5 (cheng nga) ken thin tur a ni.

LUSUN/KHAWHAR
Pu Ramthianghlima (Papua) (22) c/o Pu Peter CT.Mawia K-Section chuan Ni 15/2/11 Dar 12:00 khan min boralsan. Papua hi YMA member tangkai tak a ni a. Hetiang ang mi khawtlang tana in hmang kan chan hi CWB YMA chuan a ui takzet a. Lusun chhungte a tuarpui a, Pathian awmpuina chang zel turin duhsakna a hlan.

TUN KAR CHANGVAWN
Hrehawm ula, lungngai ula, tap rawh u; in nuih lungngaihah chang sela, in hlim nguiah chang rawh se, Lalpa mithmuhin inngaitlawm rawh u, tichuan a chawimawi ang che u.
Jakoba 4 : 9-10

Editorial Board

Editor	: R.K.Rozidinga	(9436142304)
Joint Editor	: R.K. Malsawmkima	(9862578441)
News Editor	: Tv. Thangkhuma	(9852303135)
	Pu Vanlalhluta	(9862366308)
	Tv. Vanlalfawna	(9856301975)
Cir.Manager	: Johny Lalthanpuia	(9612359161)
	Jacob Lalrinsanga	(9612319779)
Production Manager	: R.Lalhmachhuana	(9436151817)

Branch Office Bearer

President	: T. Ngurkhuma	9436190843
Vice President	: R.Lalhmachhuana	9436151817
Secretary	: R.L. Thanhnuna	9436152760
Asst.Secretary	: K.Darthantluanga	9436196071
Treasurer	: C.Lalzarliana	9436142049
Fin.Secretary	: Lalthuamluaia	9612216649
Advisers	:	
	Pi Zamanthangi	Pu Lalbiakthanga Khiangte
	Pu Vanlalsawma	Pu Rothuama

Editorial:

Vengchhungah vanduaina in min tlakbuak zing ta malh malh hle mai a. Hetih lai hian nula tlangval, nu leh pa te kan hah tlang thin viau in a rinawm. A maherawhchu kan veng hi veng nuam leh inlungual tak kan ni a, hei tak hi a *Mizo* nih nawmna tak chu a ni.

Veng thenkhatah chuan mitthi in riah leh thlanlah thlengin tih tawp a ni tawh a, han sawisel ngawt dawn ila kan khawsak dan leh kan nunphungin emaw a ken tel kan ti thei tho bawkw a e. Keini vengah erawhchuan YMA nih a la nuam a, thalaite hi chhiattawk chungte tan thlamuanna a la tling fo reng a ni.

Amah Pu Thuama tawgkam takin 'chutiang tak a veng nuam leh thlakhlhawmah chuan heti zawng hian in ngaihtuah teh ang'. Hmasawna tur leh zonunmawi vawng nung zel tur chuan tun a kan tlawmngaihna baka liama kan thawh zel hi a pawimawh a, thlanlah, mitthi lumen leh khawhar in lenpui ah te hian hmasawna tur chu kan la ngah hle mai. Tun hma chuan mitthi lumen ngai an awmin nula tlangvalte zanriah ei khamah a hma lamin an kal thin a. Tunah erawhchuan a bikin nula tlangval te zan dar 11 hnulama kan la kal del del mai te leh thingpui leh a hmeh kan ei in kan in ta maw tih a kan han haw huk thin te hi hruaitute tan chuan a luhaithlak thin ngawt ta ve ang. Hengah te te hian inenlet kan la ngai ve tho lo maw....

Nula hla hriltu kan thahnem lutuk lo, a ti thang an awm loh a nula awm ten hla hril kan tum tlat lo maite hi inzir kan ngaihna lai te pawh a la ni zel mai. "A engah pawh nise kan thlenchin apiangah hma i sawn zel ang u tih a nih kha maw...." Kan tum a kan zir chuan tih theih loh a awmlo tih i hre thar leh theuh ila kawng engkimah hma kan sawn chho zel mai ang.

Article: HRUAITU ZIA (LEADERSHIP STYLE)**Dindina Pa**

A mi lo ber mai hian phuhchhuak ve phurh teh ang! thenkhatin an lo hlawkpui tak hlauhin. Mizoram-ah hian Pawl (Association) chi hrang a tam hle a, hruaitu pawh an awm zel a ngai a, chu hruaitu chu 'Leader' a ni a, hruaitu nih a thiam dante, an pawl a huikhawm dante zawng zawng kha 'Leadership' chu a ni. Pawl hlawhtlin leh hlawhchhamna ber chu an hruaitu Leadership neih danah a innghat tlat a ni. Inlungual tirtu anih rualin a vawkehtu ani thei bawkw.

A bik takin YMA phei chu tlawmngai pawl, mahni inpekna (Voluntary Association) a ni a, tutemah kan in ti lui thei lem lo a ni. Heng avang takte hian hruaitute mawhphurhna a sang hle a ni. Mithiamte chuan pawl kaihhraina atan, hruaite hman tur tih dan phung (style) chi hrang hrang an siam a, hlawm thum chauh hi i han sawi teh ang.

1. AUTOCRATIC LEADERSHIP: Hetiang mizia nei hruaitu chuan a pawl enkawl kha khawng leh rum takin, a ma thu te in a kaihruai thin. Midang inrawllh leh midang thu a ngaichang lemlo thin. Midangte chu han rawnve tho thin mahse; a tawpah chuan ama ngaihdan leh tum dan chu dik berah hriain, kal tlang pui a tum tlat thin. A thawhpui / rorelpui ten zalenna an nei lo a, inhriatthiam tawna a awm loh avangin hun rei vak lovah an inkarah innghirghona leh in nin tawna a thleng thuai thin a ni.

2. DEMOCRATIC LEADERSHIP: Kan hriat angin Democracy ram chu mipui rorelna a ni a, Hruaitu tur kan thlang thin a ni. A dik tak chuan pawl lian leh ropui YMA te pawh hi member tam ber duh dan a hruai (Democratic Member Control) a ni a. Democratic Leadership mizia nei hruaitu kaihhraina hnuaiah chuan member ten an ngaihdan te zalen takin an sawi chhuak ve theih avangin hruaitu leh memberte inkar boruak pawh a tha duh hle. In la boss takin awm lo mahse; a kaihhruai te chuan a nihna an hai chuang lo. Pawl tana rinawm siin member tam zawk duh dan a zuiin, a ngaichang thiam a, a hmingchhiatna emaw mualphona tur lakah emaw a pawl (member) te chuan an hliahkhuh sak fo thin a ni.

3. FREEREIN LEADERSHIP : Hetiang mizia nei hruaitu ve thung chuan a pawl, (member) a enkawl dan a dang leh a, tih tur (information) a pe a, enpui / enzui lem loin, a hruaia te chu zalen takin a siam a, an tih ang ang chu thaah

a ngai mai thin. Nimahsela, a hruaiate mimal rilru sukthlek zawng a chhui chiang loin, a chik lo hle thung. A hruaia te / A hnuaiah thawkte mize hriat tawkw lohna hian harsatna a siam thei fo thin. A thente chu mittlung tak, mahni hna leh mawhphurhna zo taka thawh duh mi an nih laiin, mi thenkhat te hi chu 'run dal' kan tih ang chauha thawkw thin kan awm bawkw si a. A kaih hruai leh enkawlte control-na a awm lo a, zalen takin a awmtir thin a ni.

Heng kan han sawi tak Style hrang hrangte hi tha bik a awm chuang lo, a hun leh a hmun a zira chawhpawlha hmangthiamte hi Leader tha chu an ni mai a ni.

'A good leader be tough enough to win a fight, but not enough to kick a man when he is down'

RUANG CHHUAK

Johan Laldinsanga, thla 5 S/o Zairemthanga Khawpuar khua chu Ni 17.2.2011 khan Civil Hospitalah a boral a, a ruang hi Pu Rochhunga, N-Section te In atangin thawnchhuah a ni.

Keimahni

☞ Rualkhai zawka kan kal theih nan tualchhunga thihna thlengah chuan lawmthu sawina tih chhuah a ni lovang.

☞ Eng kan ti ta nge ni....tun Issue buatsaih zan chu Ed.Board lam kan phai khawp mai. Remchanlohna engemaw nei kan awm palh a nih chuan Editor hnenah emaw tal inhriattir thei ila a lawmawm ngawt ang.

CHAWNGBAWLA

Report dawn a ni lo.

VANAPA

Ni 16.2.2011 (Nilai) zan khan Nl. Lalrotluangi te inah committee an nei a, thu pawimawh tak tak an rel.

Kumin chhunga Mithi buhfai khawn turin heng mite hi an ruat-

Bial 1na- Remsangpuii, Lalruatpuii.

Bial 2na- Lalhlimpuii, Laldinpuii

Bial 3na- Baby Roluahpuii,

Malsawmkimi Renthlei

Bial 4na- Lalrosiami, Lalbiakzuali

Bial 5na- Lalchhanhimi,

R.Lalrinsangi.

Bial 6na- Nancy Lalruatfeli,

Lalnunpuii

Bial 7na- Marina Laldampuii, Mary

C. Lalthazuali

Bial 8na- Malsawmzuali,

Lalmalsawmi

Bial 9na- Lalrambuatsaihi

Kumin chhunga YMA AW sem turin heng mite hi an ruat bawk-

Bial 1na- Francis Lalhruiatuanga

Bial 2na- Lalchhanchhuaha

Bial 3na- Lalnunthara

Bial 4na- Laltanpuia

Bial 5na- Christopher Lalhminghlua

Bial 6na- C.Lalhmingaihzuala,

Lalruatsanga

Bial 7na- C. Lalchhanhima

Bial 8na- M.S Dawngzela,

K.Lalnunpuia

Bial 9na- Lalrammuanpuia

Section-ah mawhphurhna hetiang hian siam a ni :

Property in charge- Pu R. Vanlalsawma, Pu Lallianzauva, Tv. Lalnunhlina, Tv. Lalchhuanliana.

Information in charge- Pu P.C.Lalawmawia, Pu r. Vanlalsawma, Tv. Hmingthansanga, Tv. R.Lalrinngeta, Tv. Zothankima, Pu H. Lalremtuanga.

Ni 19.2.2011 (Inrinni) khan nilengin hruaitute 'n section bungrua enfelin hnatlang neih a ni a, hruaitu an kal tha hle.

KHUANGCHERA

An member Pu Ramthianghlina (Papua) boral chu an ui in a kalsan tak a chhungte Pathian awmpuina chang turin duhsakna an hlan.

Vawiin tlai dar 3:00 hian YMA AW semtu leh mitthi buhfai khawntu tur zawng zawngte Leader In ah kalkhawm vek tur a ni.

An member HSLC, HSSLC leh BA exam nei mek te duhsakna an hlanin theihtawp chhuah turin an in ngen.

(K-Sect. report chhunzawmna)

An Section chhunga damlo Pi Biaknguri damdawiin a awm leh Pi Biakhluni Kolkata a in check-up a kal chu damtaka an lo chhuah leh haw leh thuai an duhsak.

Section member atam thei ang ber Chapchar Kut inbuatsaihna a tel turin an in ngen.

TAITESENA

YMA Member lak zawh tawh a ni a, member 544 (mipa 386 leh hmeichhia 158) an in ziak lut a ni. member lak laia awm remchang lo te Secretary hnenah (Annual Fee ` 2 leh Kumpulan Fund ` 3 ,avaiin ` 5) hming a la pek theih reng a ni.

Rokhawlhna dang a awm loh chuan Ni 22.2.2011 (Thawhleh) zan hian hruaitu leh member a thei apiang te Kuang duan Hnatlang Pu Lalngaihawma Workshop ah neih tur a ni a, hunawl lo insiam turin an in ngen.

Mitthi buhfai khawn turin heng mite hi ruat an ni:

Bial-1-na : Lalthanzuali, Lalnunsangi

Eden Lalremtuangi

Bial-2-na : R.Lalmalsawmtuangi

R.Lalrinpuii

Bial-3-na : Catherine Lalruatkimi

Lalbiaktuangi

Bial-4-na : Lalthazuali, Lalmalsawmi

Bial-5-na : Ngurthantluangi

Lalnunmawii

Bial-6-na : Lalbiaknii, Laldusangi

Bial-7-na : Lalmuansangi

Zothanmawii

Bial-8-na : VL. Hriatpuii

Esther Lalremtuangi

Bial-9-na : Vanlalruati, Lalrinchhani

Bial-10-na: Lalremruati

Ruthi Lalhriatpuii

Property Incharge atan heng mite hi ruat an ni :1) Pu R.Lalsangzuala 2) Pu H.Lalremruata 3) Pu Lalhmingliana (Puia) 4) Tv.Malsawmtuanga (Mala)

Section Bungrua (Thutthleng) dah nana phaltaka hmunhma hmantirtu Pi Thanchhingi leh Pu Vanlalruaia te chhungkaw chungah lawmthu an sawi takzet.

Pi Lalrinawmi w/o Thanrehlova chuan Section Bungraw lei na atan ` 500/- a pe chu lawmthu an sawi takzet.

NEUVA

Ni 15/2/2011 Thawhleh zan khan Committe neih a nia, thu pawimawh tak tak rel a ni.

Kumin Section chung in awpna a fel zawk theihnan Bial 4-ah then a ni a, Bial mawh phurtu turte hruaitute in ruat a ni bawk.

(N-Sect. report chhunzawmna)

YMA Member lak zawh tawh a ni a, member 390 (mipa 241 leh minu 149) an in ziak lut a, Life Member 19 an awm bawk.

An Treasurer Nl.Lalramengi a pi Kawnpui a miin a boralsan chu an tuarpui hlea, an hruaitu Pu.Lalremruata Guwahati-a a fanu damlo hruaia thang pawh a lo haw leh ta.

Zuangtui khur leh avel ah ah inbual. insuk, motor sil leh Pipe hmanga tuilak khap ani.

Kumin chhunga tlawmngai Mitthi buhfai khawn turin heng mite hi an ruat.

Bial 1-na : Lalremtuangi (Nutei)

Marina Lalremruati

Bial 2-na : Lalmuanpuii (Nubawih)

Biaknghinglovi

Bial 3-na : R.Zoremkimi

PC.Lalrinliani

Lalramnghaki

Bial 4-na : Lalramthari

Lalhmingaih

Kumin chhunga tlawmngaia YMA AW sem turin heng mite hi ruat.

Bial 1-na : Lalramsanga

Lalmachhuana

Bial 2-na : C.Vanlalringa

Lalramzauva

Bial 3-na : R. Vanlalpeka

R.Zoramchhana

Bial 4-na : Lalremruata

Nicky Lalrinawma

YMA AW sem tura ruatte leh Mitthi buhfai khawn tura ruatte Vawiin chawhma inkhawm ban dar 12-ah Pasaltha Neuva Inah inhmelhriattirna leh thingpui in hona neih tur a ni.

Property Incharge atan Pu. Vanlalvuana, Pu Malsawma Chhinte leh Pu Lalnunsanga te ruat an nia, Section bungraw hawh tur ten an ni hnenah hian dilna theh luh thin tur a ni.

YMA BUK LUAH THEIH

YMA Buk chu a luah duh te tan dilna vawiin Ni 20/2/2011 ral hma hian ziakin Branch Secretary hnenah thehluh tur a ni. Tin, a luah duh turte chu Information Mike au thei ngei an ni tur a ni. Tin, luah man chu thla khatah ` 2000/- a ni a, tui leh electric bill a luatu in chawi tur a ni.

Karate hriattirna

Chanmari YMA Hall-ah Karate zirna tan a ni leh dawn a, catch them young-a Karate lo zir tawh zawng zawngte leh a zir thar duh te chuan 21st February 2011 zing dar 6:00 ah Chanmari YMA Hall-ah kim vek tur a ni e.

JONATHAN LALSANGLIANA
Instructor Chanmari Dojo

Sub - Committee Report

Property :

☞ Heng a hnuai mite hi Property Sub-Committee member te an ni :

1. Pu H. Vanlalvena
2. Pu TC. Lalthangliana
3. Pu Kawlengmawia
4. Tv. Lalthanhima
5. Pu C. Vanlalhruaia
6. Tv. Vanlalnghaka
7. Tv. Peter Vanlalpeka
8. Tv. Vanlalhriata
9. Tv. Malsawmtluanga (Maltea)

☞ Ni 18.2.11 nilengin Br. YMA bungrua chi hrang hrang enfel hnatlang neih a ni a, tlaiah Chairman Inah chawhlui kilho a ni.

☞ Section hrang hranga hriattir angin Bungrua List feltaka thehlut turin an ngen.

☞ Information Mike horn thalo te arang thei ang bera Sub-Committee hruaitute hnena aranglama hriattir turin an in ngen nawn leh.

Kumpuan :

☞ Vawiin chawhma inkhawnban hian Chairman Pu T. Ngurkhuma In ah OB meeting neih tum a ni.

Thlanmual :

☞ Ni 18.2.2011 (Zirtawp) zan khan an Chairman Pu H. Vanlalvena In ah meeting pawimawh tak neih a ni.

☞ **Thlanmual thara chhungte thlan chei ten tun February thla chhungin thlan cheina te sengfel vek turin an hriattir.**

LOCAL COUNCIL NEWS

☞ Central Road Chanmari West hi hun rei tak chua a tlang tawh lova, Local Council te hmalaknain leh ram neitute tlawmngaihna leh YMA te tlawmngaihna a zarah tha takin a tlang thei dawn ta mai hi a lawmawm hle a, abul atanga hma min laksaktu kan bialtu MLA Pu Lalthanzara chungah Local Council chuan lawmthu a sawi takzet a ni.

☞ Red Ribbon Inter-Village Football Tournament khelh mekah kar kalta thawhtanni khan Lamzawl si 4 faian hneh a, nimin Inrinni zing dar 8 khan Bungkawn Veng te nen inkhel lehin 9-0 in chakna an chang leh a, karleh Zirtawp (25.2.11) hian Bethlehem nen an inkhel leh dawn a ni.

☞ Ni Rebecca Lalrinngheti'n kan players te a thlawnin min enkawlsak a, a chungah kan lawm hle.

RAMCHHUNG RAMPAWN

☞ India leh Burma zawha Mizo hnahthlakte chen tamna ber Malaysia-ah Mizo Kut zinga ngaihhlut hlawh ber – Chapchar Kut hmang turin, Malaysia Mizote an inpuahchah mup mup ta. Mizo Christian Fellowship (MCF), Chapchar Kut rorel pawl chuan, hnam ni ve tura Khuau'n min lo duan Mizo hnam nunphung leh ziarang hriatrengna, pholanna leh inzirna hun tangkai atan, he Kut hi hman a nih theih nan theihtawp chhuahin hma lak mek a ni. Malaysia-a a vawi khatna tur Chapchar Kut hi ni 27 March, 2011 – KLBC, Malaysia ah hmang tura rel fel tawh a ni a, tel turin Mizo zawng zawng an sawm an ni.

☞ Mizorama HIV/AIDS dinhmun thar ber (Oct 99 - Dec 2010) :

	Dec	Cumu.Total
1. Thisen Test zat	2201	133186
2. HIV Positive	56	5312
3. AIDS Cases	14	538
4. AIDS vana thi	117	

(Mipa 104, Hmeichhia 73)

☞ Central YMA hnuai Ruihhlo do pawl CADs te report nikum May 29 atanga ruihhlo chi hrang hrang an mantawh zat hlut zawng chu ` 1,65,78,629 a ni tawh a, mimal, pawl leh kohhran atnga tanpuina hi ` 8,38,005/- dawn a ni tawh bawk a ni.

☞ Champions League khelh mek chu kar kalta khan round of 16 khelh chhunzawm leh a ni a, mizo ten a kan thlir nasat ber EPL club Arsenal chuan an mual ah Barcelona hnehin 2nd Leg ah Barcelona hi an va luhchilh ve thung dawn a, Tottenham te chuan Firs Leg ah away goal 1 hmangin AC Milan an tlawm bawk a ni. Tunkar lo awm tur thawhleleh leh nilai zinglam dar 1:15 hian Manchester United leh Chelsea ten First Leg an hmachhawn ve leh dawn a ni. Tin, thawhleleh zan tho hian kum hmasa a Final a intum club pahnih Inter Milan leh Bayern Munich chu champion leh ngei tumin an in hmachhawn leh bawk dawn a ni.

ZOFA NEWS

☞ Songs & Drama Contract Sign-a Guwahati a kal an President leh Vice President pawh damtakin an lo haw leh ta.

☞ Songs & Drama Programe neih na tur atan hian hmalak mek a ni.

☞ Club member zawng zawngte Chapchar Kut inbuatsaihna a tana YMA -in lamzirna a neih mekah kal theuh turin an in ngen tak meuh meuh a ni.

HETAH HIAN SMS LA

>>9774170328<<

☞ Tuisem tu te hriatpui lo va mahni thu thu a mahni point hawn ching te hian mi eizawmna in tibuai. A tul a nih chuan anmahni dil thin mai a fuh zawk. Ruk ruk na chikhat a ni tih hriat a tha.

908928_19

☞ Ar insual avanga a mi leng haw engmah hrelo FIR thehluh a vau vel kha chu Pathian rawngbawltu in ti tan chuan a va mawi lo ve, mize dik tak a lang leh lutuk.

908952_71

☞ Khawhar in a inchhiar kan neih hian member te aiin hruaitu awmzat atanga teh a a hruaitu zawk kal tlem ziah mai hi chu in en nawn kan ngai viau lo maw.

961201_01

☞ Vengchhunga vehbur Football Tournament atana an khawn hi engang chiah in nge an kalpui tih leh contribution a nih ang ngei hian an khawn zat te hi tarlan awm ve tak chu a ni.

977701_00

☞ Kan thlanmual kawng chhukthla Edenthar kawng peng nena a inzawmna lai khu motorte pawh a leng thathum tawh dawn hlei nem maw...kawng zatve dawn an rawn siamhnan si a, hmalak dan te hi a awm ngang lo a mi.

801231_11

(SMS kan dawn te hi Ed. Bd ngaihdan a ni vek kher lo)

Ration Card ti bo

Ration Card chhar a ni a, a ti bo chuan Editor hnenah lam theih a ni e.

SUB-CENTRE HRIATTIRNA

Ni 21.2.2011 (Thawntan) zing dar 10 atangin Chanmari West Sub-Centre-ah thosilen chiah tur a ni a, mitin malaria laka kan him theih nan thosilen chiah theuh tura hriattir kan ni e. A remchan chuan sukfaisa a ken nise.

HMINGLIANI BAKERY

Biscuits, Pastries, Bread leh chhang chi hrang hrang lei tur a awm ta e.

Cream cake, carrot cake,

Banana cake leh Cake

chi hrang hrang a awm e.

LS Bakery leh Hunthar Bakery

chhang tui tak tak

lei tur a awm bawk e.

Birthday, Anniversary Cake leh chhang dang te pawh a order theih reng e.

ROSELLE

Chanmari Biakin hnuai

Pastor Quarter Opposite

(Family Guidance & Councelling Centre Opposite) Ph :9774781991